



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 41. Dispensationis controversia jussu Pontificis discussa.

[urn:nbn:de:hbz:466:1-67025](#)

Junii foedus inierunt, in quo tamen de Secul. XVI.
conceptis connubii pactis mentio specia- A.C. 1503.
lis facta non est, sua tamen contulerunt
consilia, ut a summo Pontifice concordi
voto dispensationem peterent. Ea de
re Henricus VII. datis literis Flakstero
Equiti Regio Oratori suo negotium dedit,
ut juncto Hispaniae Oratoris consilio Ju-
lium exoraret, quatenus regias proles
impedimenti religione solveret. Summus
Pontifex anxiis animi curis agitatus, aut
forte religiosius consuetae normae tenax,
Cardinalium, Theologorum, Jurisque Ca-
nonici peritorum Congregationem con-
vocavit, atque se praesente discuti prae-
cepit, utrum accedente summi Pontificis
dispensatione foeminæ liceat successivis
nuptiis duos fratres ducere.

§. XLI.

Dispensationis controversia jussu Pon- tificis discussa.

Primi, qui in consilium adhibebantur,
in hanc abierunt sententiam: sum-
mus Pontifex nec ex plenitudine potesta-
tis suæ, quæ in cædificationem, non in de-
structionem data est, in lege divina dispen-
sare potest, ex lege autem divina prohi-
betur, ne mulier mortui Mariti sui fra-
tri nubat; quippe Deus Judæis per Moy-
sen hanc legem tradidit: *Qui duxerit*
uxorem

Secul. XVI. uxorem fratri*sui*, rem facit illicitam,
A.C. 1503. turpitudinem fratri*sui* revelavit. Levitic.
cap. 20. v. 21. (*). Hoc vero est præ-
ceptum morale, quo Christiani æque,
ac Judæi adstringuntur, nec Deus alio
ex fine nuptias inter proximos propin-
quos prohibuit, quam ut per exterorum
connubia societatis humanæ foedera mul-
tiplicantur, ac illi, qui nullo vinculo
conjuncti essent, unirentur; talis autem
finis etiam inter Christianos locum obti-
net, hinc in re tanti momenti Ecclesiæ
disciplina haud debet relaxari, præci-
pue cum nulla gravior urgeat necessi-
tas; Europa enim plures Principum Fi-
lias numerat, ex quibus Walliae Princi-
pi una facile in Sponsam adjungi poterit.

Hi autem, quibus contraria infedit
opinio, Pontificii Juris peritorum senten-
tiae quidem in eo subscripserunt, arcta-
tam esse Papæ auctoritatem ita, ut in lege,
quam Deus populo Hebraico, Moysis mi-
nisterio, dedit, dispensare haud vale-
ret, contendebant tamen, hoc præce-
ptum ad eum restringi casum, quo uxor
ex primis nuptiis liberos suscepisset;
idem enim, inquietabant, Moyses Deutero-
nomii

(*) *Hæc lex, uxorem ex primi sui Ma-
riti connubio liberos suscepisse supponit, quod
tamen præsenti casu minime conveniebat.*



nomii cap. 25. v. 5. dixit: *Quando habitave-* Sæcul. XVI.
rint fratres simul, & unus ex eis absque A.C. 1503.
liberis mortuus fuerit, uxor defundi non nu-
bet alteri, sed accipiet eam frater ejus, &
fuscitabit semen fratris sui. Quam pluri- Justin.
 mi autem S. Patres, Justinus, Tertul- quæst. 332.
 lianus, & Theodoreetus affirmant, id Euseb. hist.
 ideo fuisse præceptum, ut familiæ sem- l. 1. c. 7.
 per separatæ conservarentur, atque suc- Tertull. de
 cessionum permixtio impediretur, proin Monogam.
 cap. 7.
 unio inter fratres arctius firmaretur, & Theod. quæst.
 defunctorum memoria conservaretur; de- 32.
 nique id ipsum etiam factum ex eo est,
 quod sterilitas pro opprobrio, atque in-
 famia, præcipue illo ævo, quo singuli
 se Messiæ Patrem futurum sperabant,
 haberetur.

Aliunde, subjungebant hi Theologi,
 et si præsentis quæstionis ratio forte sub-
 lege in Leviticorum libro expressa conti-
 neretur, nihilominus hoc præceptum
 ad leges cæremoniales, ac politicas,
 quæ Judaicæ genti propriæ erant, re-
 jiciendum venit; ejusmodi enim legibus
 Deus noluit ceteras nationes obstringi,
 cum gratia Christi advenientis fuisset id
 operata, ut hæ leges abolerentur, quæ
 ante Evangelii promulgationem non nisi
 Judæos, post Evangelium autem nobis
 annunciatum, neminem obligabant. Idem
 de hac lege ferendum est judicium, ac
 de

Sæcul. XVI. de præcepto itidem divino contra Blasphemos, qua hi morte damnari jubebantur, quin exinde inferri liceat, Superiores, atque Magistratus legem divinam transgressuros, si ejusmodi pœnam in illos non decernerent; equidem supremus Princeps in suo regno hanc pœnam in Blasphemos sancire potest, ejusque lex æquitati consona foret, non minus quam præceptum in pari casu a Moysè latum, nec tamen propterea legis divinæ vim haberet, et si Deus omnino simile Hebræis præceptum dederit, sed nil nisi lex politica humana foret, proin is, qui talem legem solveret, minime in lege divina dispensasse censendus esset.

Addebant: ejusdem rationis fuit lex, qua uxori prohibebatur, ne fratrem Martini sui defuncti duceret, hæc equidem lex ab Ecclesia, ut ita dicam, adoptabatur, ipsosque Christianos ligabat; ast mere ut est lex Ecclesiastica humana, nec obtinet vim legis divinæ; his ergo præmissis extra dubii locum esse ajebant, quod Pontifici data sit legitima in ea dispensandi potestas, imo necessitas exigat, ut in Ecclesia tanta vigeat auctoritas, qua juxta temporis, aut necessitatum rationes legum Canonicarum gratia fieri posset; nulla enim reperitur lex humana, quæ pro omni temporum ratione con-

conveniat, & de qua contingente certo Sæc. VI.
quodam eventu nequeat enunciari, quod A.C. 1503.
magis e re sit, si illius dispensatio conce-
datur, quam quod ejus observantia urgea-
tur, proin necessarius est Superior, cui
potestas data est, vi cuius condescende-
re, ac ne quædam leges in certis even-
tibus, justisque ex caussis stringant, per-
mittere, seu dispensare valeat pro bono
Ecclesiæ, Regnum, aut privatorum,
qui ejusmodi dispensationes petunt. Sum-
mi ergo Pontificis esse inquietabant, quod is-
rationum momenta ab Hispaniæ & An-
gliæ Regibus allata discutiat, ac diser-
nat, an veritati ac necessitatì nitantur,
atque statuum suorum bonum respiciant,
& utrum hujus dispensationis repulsa ma-
jus inferat damnum, quam ejusdem in-
dulgentia?

Præter hasce rationes, insuper affir-
mabant: et si præfata lex non minus Chri-
stianos, quam Judæos obstringeret, ne-
minem tamen latet, hos quoque ab hac
lege eximi potuisse, si id quarundam pri-
vatarum familiarum conservatio exegisset.
certum igitur est, Anglorum Regi a sum-
mo Pontifice id indulgeri posse, eo quod
lex, cuius solutio petitur, ipsis quoque
Judæis persæpe fuerit relaxata, quinimo
rem penitus inspicio, nequidem mo-
rales Judæorum leges, etiam illis di-
scipli-

Sæcul. XVI. sciplinæ argumentis innixæ, quæ ad-
A.C. 1503. hucdum vigent, Christianos obligant,
 cujus rei veritatem ipsa mox allegata lex
 in Blasphemos lata sat indicat. Præte-
 rea non omnia præcepta, quæ vigente
 Hebræorum lege juris divini fuerunt,
 nunc quoque Christianos stringunt, cum
 hi divinæ legis vim in eo duntaxat ag-
 noscant præcepto, quod divini juris vel
 naturalis vel Evangelici est, seu ad quod
 eos ipsum Evangelium adstringi decla-
 rat. Nec Ecclesia auctoritate divina te-
 netur observare jus divinum Mosai-
 cum, illud nempe, quod neque natura-
 le, neque Evangelicum est, nec dicen-
 dum, quod lex, qua uxor duobus fra-
 tribus nubere prohibetur, sit præceptum
 divinum naturale, aut divinum Evange-
 licum; huic enim contraria, moxque lau-
 etiam Christus Dominus in Evangelio in-
 terrogantibus Saducæis objecit; hæc ig-

*Matth. c. 22. tur Christianos tantum stringit, ut lex
 v. 24. & seq. Ecclesiastica, civilis & humana, proin-
 summus Pontifex in ea dispensare potest,
 ac tale connubium, prævia hac dispen-
 satione, omnino legitimum erit.*

§. XLII.

